

Lampahan wayang/ : Jero Dalang Wila,
carita Kawi Padalangan Suweg, Bulcleng.
Katerima tanggal : 20 - 9 - 1973
Tik tanggal : 25 - 9 - 1973
A n t u k : Ni Made Sariati
Katureksa antuk : I Ktut Suwidja.

DANAWA ULANDARA-GNI, SUNUG, 1.

- 1 1 Pangawit carita ring alas Danda-dandaka wénten Resi mapuspata Bha-
2 gawan Kwéra magunem sareng Sang Arjuna. Bhagawan Kwéra maduwé oka sawiji
3 sané mapeséngan Diah Lopoi sampun kaanggén rabi antuk Ida Sang Arjuna sa-
4 king nguni duk Ida nilar jagat Indraprastané manawi Sang Arjuna keni dan-
5 da rwawelas warsa laminya. Mangkin jaga nunas mapamit ring Ida Bhagawan
6 Kwéra piragi mantuk ka Indraprasta.
- 7 Rahina semeng Ida Sang Arjuna sampun nangkilin Ida Bhagawan Kwéra
8 tumuli matur saha mangajali cakuping kara kalih: ,, Inggih nawegang ti-
9 tiang ring ajeng Paduka Sang Resi, manawi sampun lami titiang nilar jagat
10 Indraprastané kaeñjekan mangkin sampun wénten rwawelas warsa, minab sam-
1 pun kabawes-bawes olih belin titiang Sang Prabu Yudhistira kaping kalih
2 Sang Bima indik titiangé nilar nagara."
- 3 Ngandika Bhagawan Kwéra : ,, Buka rawes coningé ané mara, bapa ka-
4 langkung harsa ningchang, jani ada ané bapa warahang tekén cening, sing
5 ja lén esto rabin ceningé Diah Lopoi suba mobot onto ané kakayunang bapa
6 nèn lakar ngitungang yén sing cening ané nganti dini ring alas Danda-dan-
7 dakané, buina yén suba mijil putran coningé nèn lakar kapeséngin ?"
- 8 Malih matur Sang Arjuna: ,, Indiké punika pacang kaaturang titiang
9 ring ajeng Paduka Bhagawan kówanten, sapa sira kapeséngin putuné yan was
20 mijil, inggih punika mangda Paduka Bhagawan sané makayunin, cutot ring
1 rahinané mangkin titiang jaga mapamit ring Paduka Bhagawan kaping kalih
2 adi Diah Lopoi apang molah-molah adi dini ngiring ajiné Ida Bhagawan Kwé-
3 -ra, jani beli lakar ngalahin anaké buka adi, buin pidan yan suba pada
4 rahajeng beli lakar mawali mai nekain anaké buka adi.
- 5 Ngandika Bhagawan Kwéra : ,, Nah yén kodes pangidih coningé buka kó-
6 to bapa suksma pesan, apang karahajengan coning ring margi mangda tan ke-
7 nong baya.
- 8 Mapamit Sang Arjuna saking pasraman Bhagawan Kwéra ring alas Danda-
9 dandaka jaga ka Indraprasta. Pamarginé tan mari, kañcit ring tengahing
30 marga Sang Arjuna mirengang tangis jadma istri. Kamanah antuk Ida Sang
1 Arjuna minab punika jadma istri sané kaplagandang olih Danawa, kaparekin
2 swarané punika janten kacingak antuk Sang Arjuna ring ambarané wénten Da-
3 nawa saking jagat Pasir-dahana maparab Danawa Ulandara-gni makta jadma
4 istri maparab Déwi Suryawati okan Ida Sang Karna ring Awangga. Iling Ida
5 Sang Arjuna indiké masameton ring Ida Sang Karna, raris kapanah Danawa
6 punika tumuli ngwangun yuda ri kala punika. Danawa Ulandara-gni dahat
7 sakti mawisésa tan kaprasida antuk sañjata-astra marinan kalilih Sang Ar-
8 juna tur kasabatang Sang Arjuna. Ida Sang Arjuna lali ring raga runtuh
9 Ida ring alas Kundalisada pagonahira Sang Hanuman ngwangun yasa, wau Sang
40 Arjuna iling ring raga, kandugi nanginin Ida Sang Hanuman maduluran ma-
1 tur sakadi-kadi ring indiké sané langkung.

2 2 Minab sampun kawacénan ring panah antuk Sang Hanuman ri kala punika
3 piragi, jaga lunga ngreréh musuhé Danawa Ulandara-gni kahiring antuk Sang
4 Arjuna,

5 Ring jagat Pasir-dahana sami watek prajurité sané marupa Raksasa sam-
6 pun sayaga ring karawuhan satruné pacang magebug mélanin Déwi Suryawati,
7 Gumuruh swara Raksasané, nanggra karawuhan satruné Sang Hanuman, sami pa-
8 da nangtang Sang Hanuman. Yudané dahating ramé, Sang Hanuman karebut olih
9 watek Raksasané tan sah rawuh Sang Arjuna makta panah tur telas Raksasa
50 nó palatra kapanahin. Mawinan medal Danawa Ulandara-gni mayuda marep Ida
1 Sang Hanuman, yudané ring ambara ring pritiwi ring luhuring sagara prasa-
2 ma dahat sakti-mawisésa. Sang Hanuman mórangé tan sipi tumuli makta taru
3 ageng miwah batu ageng-ageng saha nangtang Danawa Ulandara-gni mangda ke-
4 yun mayuda ring pritiwi kewan-ton-raris kaparekin Sang Hanuman, irika Sang
5 Hanuman sagreha aglantigin Danawa Ulandara-gni antuk taru ageng tur kato-
6 tehin antuk batu sané ageng-ageng, kalilih Danawané ngraris palatra ring
7 payudan.

8 Wus mayuda Sang Hanuman mawali ka Kundalisada ngwangun yasa, déwi sw
9 Suryawati kabakta antuk ramajiné Sang Arjuna nuju jagat Awangga jaga nga-
60 turang indiknané Déwi Suryawati ring ajiné Sang Karna.

1 KAKAYONAN.

2 Kacarita mangkin Sang Karna ring jagat Awangga sedihé tan mari indik
3 kaicalan okan Ida Déwi Suryawati sampun karebehin duk okané ical saking
4 Puri Awangga, pinih unkur raris Ida lunga ka Astinapura jaga nangkilin
5 Ida Bhagawan Drona mangda Ida swéca ngandikayang indik kaicalan okané.
6 Sarawuhé ring Astinapura aturé sakadi-kadi ring Ida Bhagawan Drona.
7 Duk punika Bhagawan Drona ngawitin malih ngawé daya sandi mangda Sang Kar-
8 na mayuda malih marep Sang Arjuna. Kandikayang antuk Bhagawan Drona iedik
9 kaicalané Déwi Suryawati kapilayu olih Sang Arjuna. Banget mórang Sang
70 Karna mirengang indik okané kapilayu antuk Sang Arjuna. Para watek Asti-
1 nané sami masuryak piragi jaga ngasorang Sang Arjuna, ngawitin mamarga
2 sinarengan ngreréh Sang Arjuna.

3 Ri topining alas Astinané kacingak Sang Arjuna makta Déwi Suryawati
4 piragi jaga katur ring rakané Sang Karna. Nenging salakuné Sang Arjuna
5 étan katerima antuk Sang Karna, taler atur okané sakadi-kadi tan kapiteng
6 antuk Sang Karna.

7 Sang Arjuna sayaga ngambil sanjata-astra nangtangin para Astinané
8 miwah rakané Sang Karna. Yudané sengit, Sang Arjuna marep Sang Karna ka-
9 tonton olih para watek prajurit Astinané, suryaké mawanti-wanti, nika ma-
80 winan Sang Arjuna kalintang mórang ring pakayunan, tan asuwé raris ngam-
1 bil Pasupati-astra katibakang ring Sang Karna, keni angganipun matemahan
2 palatra.

3 Ida Bhatara Surya sedih tur mórang ningakin okané Sang Karna pala-
4 tra kaprajaya antuk Sang Arjuna.
5 Ngandika Ida Bhatara Surya ring okané Ida Bhatara Surya Alam:, Uduh ce-
6 ning Bhatara Surya Alam, cingakin sameton ceningé palatra kaprajaya olih
7 I Arjuna, jani cening lakar utus apanga énggal cening ngmatiang I Arjuna!

8 Turun Bhatara Surya Alam tumuli niatin Sang Arjuna kandugi palatra

3 9 Ida Sang Arjuna. Ri kasnjekan Sang Arjuna palatra kacigak antuk Ida Bha-
90 tara Bayu saking akasa, sagrehan turun ka Manusapada paris ka Kundalisada
1 ngandikain Sang Hanuman mangda Sang Hanuman gelis nêdayang Bhatara Surya
2 Alam. Bhatara Bayu manjing ring ajânanira Sang Hanuman kandugi taler nê-
3 dayang Bhatara Surya Alam. Wangis Ida Bhatara Surya ningakin okané maka
4 kalih matemahan layon kandugi medal Ida Bhatara Bayu saking ajânanira
5 Sang Hanuman, mabbat Ida Bhatara Surya indik mélanin okané Sang Karna sa-
6 né sampun sisip. Ida Bhatara Surya nunas ampura ring Ida Bhatara Bayu in-
7 dik mélanin okané Sang Karna sisip ring Ida Sang Arjuna.
8 Pamuput layoné sami kaurip antuk Ida Bhatara Bayu minakadi Sang
9 Karna, Sang Arjuna, Bhatara Surya Alam. Sang Hanuman nunas mapamit ring
100 ajeng Paduka Bhatara Bayu ngawitin malih ngwangun yasa ring Kundalisada
1 mangda wokasan prasida matemahan jasma utama. Sang Karna miwah Bhatara
2 Surya Alam nunas iwang ring ajeng Ida Sang Arjuna. Wus punika Bhatara
3 Surya Alam, Bhatara Surya miwah Ida Bhatara Bayu mantuk ring Kabhyanga -
4 ning sowang-sowang, Sang Karna mantuk ka Awangga, Ida Sang Arjuna mantuk
5 ka Indraprasta mangda gelis manggihin para sametoné sané katilar suwên-
6 ipun sampun rwawelas warsa.

P U P U T.

Puput kasusun tgl. 21 - 9 - 1973.